



**Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

**Luxemburgi, 1740**

CXLVIII. Quod Eremitæ S. Augustini Congregationis Hispaniar. Indiarum,  
Sandalis uti possint.

---

[urn:nbn:de:hbz:466:1-74724](https://nbn-resolving.de/urn:nbn:de:hbz:466:1-74724)

ANNO  
1727.

BENEDICTUS DECIMUS-TERTIUS.

317

ANNO  
1727.

doliber interesse habentes ad hoc vocati non fuerint, aut ex quavis, vel quibusvis aliis causis, occasionibus, vel prætextibus de subreptionis, vel obrepotionis, aut nullitatis vito, seu intentionis nostræ, vel quocumque alio defectu notari, vel impugnari, aut alias infringi; vel quomodolibet retractari, sive etiam per nos ipsos, ac Successores nostros Romanos Pontifices pro tempore existentes, aut Sedem prædictam, vel illius Legatos, etiam de Latere, aut per quocumque alios quavis auctoritate fungentes, revocari, suspendi, restringi, limitari, vel eis in aliquo derogari nullatenus unquam posse, sed illas semper, & perpetuo validas, & efficaces existere, & fore, suosque plenarios, & integrorum effectus sortiri, & obtinere, ac ab omnibus, ad quos spectat, & spectabit quomodolibet in futurum, perpetuo; & inviolabiliter observari debere, necnon Universitatis Studii Generalis Camerinenis hujusmodi, illiusque Rectores, Magistros, Professores, Doctores, Praelectos, Officiales, aliasque personas jam dictas super premissis omnibus, & singulis, vel illorum occasione, etiam per alias Universitates, vel quocumque alios quavis auctoritate quomodolibet molestari, perturbari, inquietari, vel impediiri nequaquam posse: Sicque & non aliter per quocumque Judices Ordinarios, vel Delegatos quavis auctoritate fungentes, etiam Causarum Palatii Apostolici Auditores, ac S. R. E. Cardinales, etiam de Latere Legatos, Vice-Legatos dictaque Sedis Nuncios, judicari, & definiri debere; & quidquid secus super his a quoquam quavis auctoritate scienter, vel ignoranter contingit attentari, irritum, & inane decernimus.

Derogato-  
ris speciales.

§. 6. Non obstantibus dicit Berardi Bonjannis Episcopi voluntate prædicta, necnon hujusmodi pii operis fundatione, ac Nostræ Cancellariae Apostolicae Regula de jure quæsto non tollendo, necnon Capitulis per eundem Paulum V. Antecessorem nostrum approbatis, alisque omnibus, & singulis in contrarium præmissorum quomodolibet editis, & præfertim Capitulis a prædicto Paulo Prædecessore nostro, ut præfertur approbatis, necnon fe. re. Pii PP. V. de gratia interesse Camera Nostra Apostolica quomodolibet concernentibus, intra certum tum expressum tempus in eadem Camera registrandis, & insinuandis, ac quibusvis aliis quorumcumque aliorum Romanorum Pontificum Prædecessorum nostrorum Jus, vel interesse ejusdem Camerae nostræ Apostolicae concernentibus, alisque Constitutionibus, & Ordinationibus Apostolicis, etiam in Synodalibus, Provincialibus, Universalibus, Generalibusque Conciliis editis, vel edendis specialibus, vel Generalibus ac dicta Civitatis Camerinenis, etiam Juramento, confirmatione Apostolica, vel quavis firmitate alia roboratis statutis, consuetudinibus, præfertim illis quibus caveri dicitur expresse ne munus Capitanei, seu Judicis appellationum jam dictum Civi Camerineni, sed extraneo tantum conferat; Privilegiis quoque, Indultis, & literis Apostolicis quibusvis Superioribus, & personis cuiuscumque status, gradus, ordinis, & conditionis existentibus, ac etiam aliis Universitatis prædictis in genere, vel in specie sub quibuscumque tenoribus, & formis, ac cum quibusvis etiam derogatoriis derogatoriis, alisque efficacioribus, efficacissimis, & insolitis clausulis, irritantibusque, & aliis decretris, etiam plures, & iteratis vicibus concessis, confirmatis, & innovatis. Quibus omnibus, & singulis etiamsi pro illorum sufficienti derogatione de illis eorumque totis tenoribus specialis, specifica, & expressa, ac de verbo ad verbum non autem per clausulas generales idem importantes mentio, seu quavis alia expressio habenda foret, illis alias in suo robore

permansuris, hac vice dumtaxat specialiter, & expresse derogamus; carterisque contrariis quibuscumque.

Datum Roma apud Sanctum Petrum Anno Incarnationis Dominice millesimo septingentesimo vigesimo septimo Kal. Julii Pontificatus Nostræ Anno Quarto.

Indulgetur Eremitis S. Augustini Excalceatis Congregationis Hispaniarum, & Indianorum, ut sandaliis ex pelle nigri coloris uti possint.

Alia hujus Conf. ed. 1726. Jan. 22. P. 2. nonnulla decernuntur pro servanda habitus uniformitate ab iisdem Fratribus quorumdam Provinciarum.

BENEDICTUS PAPA XIII.

Dat. 5. Julii  
1727. An. 4.

Ad futuram rei memoriam.

§. 1. Exponi Nobis nuper fecerunt dilecti Fili Fratres Congregationis Hispaniarum, & Indianorum Ordinis Eremitarum Sancti Augustini Excalceatorum nuncupatorum, quod ipsi sandalia ex chorda, seu cannabe, qua hactenus deferre confuerunt, deponere, ac illorum loco sandaliis ex pelle nigri coloris ejusdem tamen forma, seu figuræ, quam ea, quæ de praesenti gestant, non minus propter eorum status, ac majorem in celebratione Sacrosancti Missæ Sacrificii decentiam quam, ut se confuetudini in aliis ejusdem Ordinis Congregationibus viginti etiam hac in parte conformet, ac color dictorum sandaliorum colori habitus, quem gestant respondeat uti posse plurimum desiderant, si nostra, & hujus Sanctæ Sedis sibi super hoc licentia suffragetur, & facultas: Nobis propterea humiliter supplicari fecerint, ut sibi in premissis opportune providere, & ut infra indulgere de benignitate Apostolica dignaremur.

§. 2. Nos igitur dictorum Exponentium votis hac in re quantum cum Domino possumus favorebiliiter annuere cupientes, eorumque singulares personas a quibusvis excommunicationis, suspensionis, & Interdicti, alisque Ecclesiasticis sententiis, censuris, & penis a Jure, vel ab homine quavis occasione, vel causa latis, si quibus quomodolibet innodata existant ad effectum præsentium dumtaxat consequendum harum serie absolventes, & absolutas fore censentes hujusmodi supplicationibus inclinati, eisdem Exponentibus, ut ipsi deinceps in locum sandaliorum ex chorda, seu cannabe, illa ex pelle nigri coloris, ejusdem ceteroquin formæ, seu figuræ, ac ea, quæ hactenus detulerunt, gerere, & deferre; illisque uti libere, & licite possint, & valeant, auctoritate Apostolica tenore præsentium concedimus, & indulgemus.

§. 3. Decernentes easdem præsentes literas firmas, validas, & efficaces existere, & fore, suosque plenarios, & integrorum effectus sortiri, & obtinere, ac illis, ad quos spectat, & quocumque spectabit in futurum in omnibus, & per omnia plenissime suffragari; Sicque per quocumque Judices Ordinarios, & Delegatos, etiam Causarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contingit attentari.

§. 4. Non obstantibus Constitutionibus, & Ordinationibus Apostolicis, ac prefatorum Ordinis, & Congregationis, etiam Juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro-

Preces Fra-  
trum d. Con-  
gregationis.

Indultum  
prædictum.

Clausulæ.

plene.